

**Bosna i Hercegovina**  
**-Federacija Bosne i Hercegovine-**  
**TUZLANSKI KANTON**  
**Skupština**  
**-Služba Skupštine-**

**Broj: 02-11-491-10/24**

**Datum: 30.10.2024. godine**

Na osnovu člana 70. st. (1) i (3) i člana 89. stav (1) Zakona o javnim nabavkama ("Službeni glasnik Bosne i Hercegovine", br: 39/14, 59/22 i 50/24), i preporuke Komisije za provođenje konkurentskog zahtjeva javne nabavke usluga – Pripreme, grafičke obrade i štampanja "Službenih novina Tuzlanskog kantona" u toku 2025. godine date u Zapisniku o ocjeni ponuda broj: 02-11-491-9/24 od 29.10.2024. godine, sekretar Skupštine Tuzlanskog kantona donosi

**O D L U K U**  
**o izboru najpovoljnijeg ponuđača**

**I.**

Prihvata se preporuka Komisije za provođenje konkurentskog zahtjeva javne nabavke usluga – Pripreme, grafičke obrade i štampanja "Službenih novina Tuzlanskog kantona" u toku 2025. godine date u Zapisniku o ocjeni ponuda broj: 02-11-491-9/24 od 29.10.2024. godine, te će se okvirni sporazum u trajanju od jedne godine zaključiti sa ponuđačem Harfo-Graf d.o.o. Tuzla, koji je dostavio tehnički zadovoljavajuću i prihvatljivu ponudu broj: 31/24 od 28.10.2024. godine, zaprimljenu pod brojem 02-11-491-6/24 od 28.10.2024. godine, sa cijenom od 36.588,00 KM bez PDV.

**II.**

Okvirni sporazum o javnoj nabavci dostavit će se na potpis izabranom ponuđaču Harfo-Graf d.o.o. Tuzla u roku od 10 dana, računajući od dana prijema ove odluke od strane izabranog ponuđača.

Izabrani ponuđač je dužan u roku od 5 dana od dana prijema ove odluke dostaviti dokumente zahtijevane tenderskom dokumentacijom iz članova 45. i 47. Zakona o javnim nabavkama, a u slučaju da izabrani ponuđač propusti u određenom roku dostaviti tražene dokumente, ovaj postupak javne nabavke biti će poništen.

**III.**

Ova odluka stupa na snagu danom donošenja i objavit će se na internet stranici Skupštine Tuzlanskog kantona, te dostaviti ponuđaču koji je učestvovao u postupku javne nabavke.

**IV.**

Sastavni dio ove odluke je Zapisnik o ocjeni ponuda broj: 02-11-491-9/24 od 29.10.2024. godine.

**OBRAZLOŽENJE**

Postupak javne nabavke pokrenut je Odlukom o pokretanju postupka javne nabavke broj: 02-11-491-1/24 od 10.10.2024. godine, putem konkurentskog zahtjeva javne nabavke, a procijenjena vrijednost javne nabavke je 36.752,10 KM bez PDV.

Obavještenje o nabavci broj: 1062-7-2-115-3-8/24 od 11.10.2024. godine u 13:01 sati, objavljeno je na Portalu javnih nabavki zajedno sa cjelokupnom tenderskom dokumentacijom.

Kriteriji za dodjelu okvirnog sporazuma shodno odredbama člana 64. Zakona o javnim nabavkama je najniža cijena tehnički zadovoljavajuće ponude.

Za predmetnu nabavku, tendersku dokumentaciju ponuđači su mogli preuzeti samo putem Portala javnih nabavki.

Ugovornom organu je putem Portala javnih nabavki dana 14.10.2024. godine, postavljeno pitanje od strane ponuđača u vezi sa objavljenom tenderskom dokumentacijom, koje je ugovorni organ blagovremeno razmotrio i putem Portala odgovorio 14.10.2024. godine.

Komisija za provođenje predmetnog postupka javne nabavke imenovana Rješenjem broj: 02-11-491-2/24 od 10.10.2024. godine (u daljem tekstu: Komisija), je dana 28.10.2024. godine u 11,30 sati, u prostorijama Službe Skupštine Tuzlanskog kantona izvršila javno otvaranje ponuda i sačinila Zapisnik o otvaranju ponuda, koji je dostavljen ponuđaču koji je dostavio ponudu.

Nakon otvaranja ponude Komisija je izvršila pregled i ocjenu ponude, te sačinila Zapisnik o ocjeni ponude broj: 02-11-491-9/24 od 29.10.2024. godine, u kojem je konstatovano sljedeće:

“U navedenom postupku javne nabavke prispjela je samo jedna ponuda, i to od ponuđača Harfo-Graf d.o.o. Tuzla, sa ukupnom cijenom u iznosu od 36.588,00 bez PDV.

Detaljnijom analizom prispjele ponude Komisija je konstatovala da je ponuda ponuđača Harfo-Graf d.o.o. Tuzla tehnički zadovoljavajuća ponuda jer zadovoljava sve selekzione kriterije uspostavljene u tenderskoj dokumentaciji i ista je ocijenjena prihvatljivom.

Komisija, na osnovu svega naprijed navedenog preporučuje da se u ovom postupku javne nabavke okvirni sporazum za nabavku usluga - Pripreme, grafičke obrade i štampanja “Službenih novina Tuzlanskog kantona” u toku 2025. godine zaključi sa navedenim ponuđačem.”

U postupku ocjene provedenog postupka, nisu uočeni propusti niti nepravilnosti u radu koji bi eventualno bili osnov za neprihvatanje preporuke Komisije. Izbor najpovoljnijeg ponuđača je izvršen u skladu sa Zakonom o javnim nabavkama, podzakonskim propisima i tenderskom dokumentacijom.

Shodno gore navedenom odlučeno je kao u dispozitivu ove odluke.

#### POUKA O PRAVNOM LIJEKU:

U skladu sa članom 101. stav (5) Zakona o javnim nabavkama protiv ove odluke može se izjaviti žalba ugovornom organu u roku od 5 dana od dana prijema ove odluke, na način propisan čl. 99. i 105. Zakona o javnim nabavkama.

Dostavljeno:  
1x Ponuđaču  
1x a/a



Sekretar  
Skupštine Tuzlanskog kantona  
*Enisa Hasanagić*  
Enisa Hasanagić